

les infidelles : on leur dira, voicy le iour de la separation des bons & des meschans, exercez vos finesses si vous en sçavez pour vous deliurer des peines de l'Enfer, le iour du Iugement sera malheureux pour les infidelles. Les bons qui auront eu la crainte de Dieu deuant les yeux seront à l'ombre des arbres du Paradis auprès des fontaines delicieuses avec toutes les sortes de fruiçts qu'ils pourront desirer. On leur dira, mangez & beuvez à vostre contentement pour recompense de vos bonnes œuures, ainsi sont recompensez les gens de bien ; Le iour du Iugement sera malheureux pour les infidelles. O infidelles viuez dans le monde, on vous y souffrira quelque temps, vous estes des meschans, mais vous serez malheureux au iour du Iugement. Les impies se moquent de ceux qui les exhortent de prier Dieu, ils seront malheureux au iour du Iugement. Enquoy croiront-ils s'ils ne croient pas en l'Alcoran ?

LE CHAPITRE DE LA NOUVELLE
contenant quarante versets,
escrit à la Meque.

AV nom de Dieu clement & misericordieux. Que se demandent les meschants les vns aux autres touchant la grande nouvelle de laquelle ils sont en differente opinion ? Ils l'apprendront, ils

l'apprendront, n'ay- ie pas créé & estendu la terre? n'ay- ie pas esleué les montagnes pour la cheuiller? ne vous auons nous pas créés mâles & femelles? n'auons nous pas créé le sommeil & la nuit pour reposer, & le iour pour trauailler? n'auons nous pas basté sur vous sept Cieux & le Soleil plein de lumiere? n'auons nous pas fait descendre l'eau des nuës pour faire produire à la terre ses plantes & des jardinages de diuerfes façons? Le iour du Iugement sera vn iour de ioye & de tristesse. Lors que l'Ange sonnera la trompette, tout le monde viendra en trouppes au Iugement vniuersel, le Ciel ouurira ses portes, les montagnes chemineront, & l'Enfer est le lieu préparé pour les deuoyez; ils y demeureront eternellement; ils n'y trouueront point de repos, ny point de boisson que de l'eau boüillante & tres-puante, recompense conforme à leurs ceuures, les infidelles ne croient pas deuoir rendre compte de leurs actions, & blasphement, mais nous tenons compte & escriuons exactement tout ce qu'ils font. On leur dira au iour du Iugement; Gouttez au iourd' huy la punition que vous auez meritée, on vous accroistra vos peines & peines sur peines. Ceux qui auront eu la crainte de Dieu deuant les yeux seront dedés vn lieu de felicité, dans des iardins d'vne terre tres-fertile, enrichis de raisins & de grenades, ils beuront dans destasses pleines d'vne boisson delicieuse, & n'y entendront point de paroles vaine ny de mensonge. Telle est la recompense de ceux qui obeissent aux commandemens

mens de Dieu ; Il est Seigneur des Cieux & de la Terre, personne n'osera parler lors que les esprits & les Anges seront assemblez deuant luy , personne ne pourra parler ny prier pour autruy sans sa permission ; Ce iour sera le iour de la verité , Ceux qui luy seront agreables se retireront auprès sa Diuine Maiefté. Nous vous auons presché que la punition de Dieu vous arriueroit bien tost , chacun verra tout ce qu'il aura fait , & les meschans diront au iour du Iugement, plût à Dieu que ie fusse terre & poussiere.

*LE CHAPITRE DE CEUX QUI
arrachent, contenant quarante-six versets,
escriit à la Meque.*

AV nom de Dieu clement & misericordieux. *Gelal dit*
 Le iure par les Anges qui arrachent l'ame des *intitule ce*
 corps des infidelles & des meschans, Par les Anges qui *Chapitre*
 accompagnent les ames des fideses; par les Anges qui *de ceux*
 exaltent la gloire de Dieu ; par les Anges qui condui- *qui tirent*
 sent les ames des gens de bien lors qu'elles vont en *un ame.*
 Paradis, & par les Anges qui sont commis aux affaires
 du monde, que tout le peuple ressuscitera au iour du
 Iugement , ce iour la terre tremblera , & les cœurs
 des hommes fremiront au premier coup que la
 trompette sonnera : Au second coup leur veuë se
 troublera de peur, & dirôt; Nous voicy, nous sommes